

Oqaasiliortut ataasinngornermi decembarip sisamaanni 2009

Ilimmarfimmi

Oqaasileriffiup ataatsimiittarfiani ataatsimiinnerannit imaqarniliaq

Peqataasut: Abia Abelsen, Ellen J. Karlsen, Eva Møller Thomassen, Stephen Heilmann aamma Carl Chr. Olsen
Imaqarniliortoq: Nuka Møller

Oqaluuserisat:

1. Tikilluaqqusineq.


Siulittaasup ilisimatitsissutigaa kalaallisut qallunaatullu atuartitsinermi taaguutit naqiterlugit saqqummeqqammersut tamanullu agguaanneqarsimasut tigulluarneqarsimasut.

Aammattaaq ilisimatitsissutigaa Oqaatsit – kalaallisuumiit qallunaatumut Ilinniusiorfik suleqatigalugu aqqissuuteqqillugit saqqummersinneqalersartut. Tassungaa atatillugu Ilex naaggaarsinnaanngisamik akisuallaanngitsumik neqeroorsimavoq. “Oqaatsit” aqqissoqqinneqarneranut tunngatillugu Karo Heilmann Stotts siunnersortit assigiinngitsut suleqatigalugit suliaqartuuvoq. Birgitte Jakobsen suleqatigineqarsinnaasutut eqqaaneqarpoq. Suliareqqitassatut ilaatigut eqqaaneqarput rng -> rn, aammattaaq oqaasersiat qanoq allanneqartarneri immikkut nalilersugassaapput.

2. Kingullermik imaqarniliap akuerineqarnera – akuerineqarpoq. Taamaattoq ord-bog pillugu oqaaserineqarsimasut ilanngutissasut noqqaassutigineqarpoq.

3. Najaaraq Egede: Oqaasileriffimmiit naliliisitserusunneq (03/11-09)
CCO-p ilisimatitsissutigaa apeqqutai taakku tunngavigalugit radiokkut NE-p apersorsimagaani. Ilisimatitsissutigaaattaq Kultureqarnermut Naalakkersuisup apeqqutit taakku pillugit qanoq isumaqarnerluni apersorsimagaani, akornaminnilu nikingassuteqartumik isumaqartoqannginnerarlugu.

Apeqqummi tassani Oqaasiliortut ilaatigut nutserisut tunaartariinnarnagit tusagassiutitigut oqaatsit ineriartortineqarnissaat pillugu oqallinneq pisariaqartoq pillugu oqallipput. Erseqqissaatigineqarsoraat oqaatsit ulorianartorsiornerannit tamanna pissuteqanngimmat, kisianni oqaatsit assigiinngitsutigit artorneqartarnerisa pitsaassusiat pitsanngorsaavigineqartariaqartoq. Oqaasiliortut apeqqummi tassani ujjartorneqartarmata erseqqissaatigineqarsoraat Oqaasiliortut oqaatsitigit politiunngimmata.



4. Kopi/version Anne Mette Olsvig: (najoqqutaralugu) suliareqqitaq' pitsaanerunnginnersoq (06.11.09)

Oqaasiliortut aalajangerput una atorneqassasoq: Assilillugu sanaqqitaq.

5. Pablo Poulsen: Hudson-ip Kangerliumanersuata inuktitut taaguutaa: Itivik/Tasiujarjuaq. (10.11.09)

Apeqquut taanna pillugu Oqaasileriffimmiit Nunavumi nutserisut oqallittarfiannut saaffiginnikkaluarpur marlussoriarlutik. Suli akisoqanngilaq. Kisianni ilisimatitsissutigineqarpoq Nunavumi Oqaasiliortussat taamatullu Nunat Aqqinik Akuersisartussat pilersinneqarseeriarlugit qanoq aalajangerumaarnersut utaqqisinneqassasoq.

6. Konrad Seblon: Takornariaq/takornarissat (10.11.09)

KS-ip saaffiginnissutaani ilisimatitsissutigineqassaaq takornariat eqqortuusooq takornarissaanngitsoq. Taamatut kukkuneqartarnera nalinginnaavoq aallartissimagunarulunilu taalliortut ilaasa oqaaseq teriannissat atorsimammagu uffa terianniat nalinginnaasuugaluartoq, taamatullu nuniagiaq -> nuniagiat. Kisianni taggisini pattagissap patiffii.

7. E-mail fra Berlin: Invitation: qaaqqussut? (11.11.09)

Ilisimatinneqassaaq qaaqqusissut eqqortuusooq.

8. Unnuk kulturisiorfimmu pilersaarutissat (12.11.09)

Ilimmarfiup unnuk kulturisiornermut pilersarutai ilisimatitsissutit tiguneqarput.

9. Helga B. Lund: Suliffeqarfiit atiunut tunngatillugu, soorlu Puiaq, imatut allanniaruta, assersuut, Kommuneqarfik Sermersooq Meeqgerinermut immikkoortorta qarfimmi, perorsaasumik Puiami pissarsiorpoq. imaluunnii una atussava? Puiaq-mi. (12.11.09)

Ateq iluitsuutillugu allareerpat uiguuserneqassaaq, ateq innarlernagu.


Disko + mi = Diskomi iml. Disko-mi

Aqqa immikkut ersersikkumagaanni kittoraaserneqarsinnaavoq.

Puiaq-p, atiunera aappersarissamillu naggateqarnera pissutaalluni

kittoraaserneqassaaq, soorlu: Inerisaavik-up. Kittoraasiisarnissaq apeqqutaavoq aappersarissamik ersiummilluunniit naaneqarnersut. Qinngorput-mi.

Siivaleeraq-p.



Taamaattoq Oqaasiliortut isumaqarput sammeqqittariaqartoq, kittoraasiisarnermut tunngasut suli akuleriiaarmata, aamma ordbogimi Oqaatsit-ni.

Paasinartumik ersarissumillu malittarisassiornissaq pisariaqarpoq.

10. Ole Sandgreenip g-p ng-illu atorpeqartarneri pillugit apeqqutai (14.11.09)

OS-ip saaffiginnissutaa misissorneqarpoq apeqqutaalu akineqassasut aalajangerneqarluni. Kisianni kina akissusiussanersoq aalajangiisoqarani.

11. Bo Nørreslet: Trainerguiden: Tasiortoq? Tasiuut? (17.11.09:)

Oqaasiliortut aalajangerput una atorpeqassasoq: Ilakannaq.

12. Rosa Fogedret: Eqqartuussiviup Akiisorsiniaavia imal.: Akiisorsiniaanermik Eqqartuussvik? Foged: Akiisorsitsiniaasartoq? Aamma: Taaguusersuinerminaarutaasumik suleqatigeeqqinnissaq. (18.11.09:)

Oqaasiliortut aalajangerput una atorpeqassasoq:
Akiliisitsisarnermut Eqqartuussivik.

13. Institut for Læring: allallu (18.11.09:)

Sammisami aalajangiisoqanngilaq Ilimmarfimmi qanoq aalajangiisoqarumaarnersoq utaqqineqarmat.


14. Agathe Larsen: Namminersorlutik Oqartussani Sulisoqarnermut Pisortaqaarfiup ataani Nutserisoqarfimmiik oqaatsit allattorsimaffiannik pilersitsiniarlutik aallartisarnerminni suleqatiserinnittut (19.11.09:)

Oqaasileriffimmiit suli peqataasussamik toqqaasoqanngilaq, ilisimatinneqassappullu Oqaasileriffimmi sulisut akornanni toqqasoqarumaartoq.

15. Andrea Davidsen: Oqariartorpoq – oqariartuut pisortani atorpeqartillugu qanorpiaq isumaqarpa? (24.11.09)

Oqaasiliortunit tamanna pillugu suli aalajangiisoqanngilaq. Malunnartumik isummap tungaatigut nikikkiartortoqartoq malugineqarsimavoq allajangiiffigin-eqartariaqarsorinartumik. Oqaasiliortut oqaatsip tamatuma atorpeqarnera malinnaaffigaat.

16. Stina Sørensen: oprindelige folk: Nunap inoqqaavi imalt. nunaqaqqaartut. (24.11.09:)



Siulittaasoq nalunaarpoq nammineq taaguut tamanna pillugu siusinnerusukkut akissusioreersimalluni, taaguullu isumaqatigiinniussutaareernikuusoq. Akissusiaq taanna nassaareriartuq nassiukkumaarlugu unnerpoq.

17. Ujarak Heinrich: Oqaaseq kuisinneq pillugu isumaliutersuut (24.11.09)
Oqaasiliortut isumaqarput oqaaseq taanna biibilip nutaamik nutserneqarnerani akuerisaareersoq isumaqaratillu namminneq akuleruffigisariaqarnagu.

18. Oqaaseq aliortut qanoq isumaqarpa? (27.11.09)

Kaali Rosingip 1970-imi atuakkiaanit qallunaatut allassimasumit ima qulequtalimmit: "Aliortut – sælsomme historier fra Grønland" oqaaseq naggueqarnerarnerpoq. Sumiorpaluutaanngitsoq naqissuserneqarpoq. Oqaaseq eqqortoq atussaasoq unaasoq ilisimatitsissutigineqarpoq: aliortukkat.

19. Ane Petersen: Oqaatsit oqaaseqatigiillu oqaluttuatoqqaneersut qanoq isumaqarnerisut paasiniarai (27.11.09)

Saaffiginnittoq innersuunneqarpoq nammineq ordbogilersorluni oqaatsit qaqutigoornerulersut tamakku misissoqqullugit. Ilisimatinneqassaartaaq Kristoffer Lyngep atuakkiaani "kalâtdlit oKalugtuait oKalualâvilo I-III" 1978-imi saqqummersumi oqaatsit qaqutigoornerulersut nassuiaataat qimerlooqqullugit.

20. Ole Birch: Oqaaseq hvidvask (01.12.09)


Oqaasiliortut aalajangerput oqaaseq taanna kalaallisut ima taaguuteqassasoq: (aningaasatigut) peqquserluutinik malunnarunnaarsaaneq.

21. Oqaasiliortunit apeqqutit akisimasat (ilisimatitsissutitut):

Ilisimatitsissutitut tiguneqarput. Qassiarsuk pillugu akissusiamut atatillugu eqqaaneqarpoq radiokkut nassuiaasoqarsimasoq oqaatsip naggiigisinnaagaa "kangerliumaneq iloqqasoq". Taamaattoq isumaqartoqarpoq oqaluffitoqaq illorsuarmut qassimik taaneqartartumut assingutillugu taama taaguusiisoqarsimanissaa. Igaliku aamma ilimagineqarpoq tassaasoq "iigalikoq", qammarsuit napparneqarsimasut sinnikui tassaniittut pillugit.

Taamatuttaaq ilisimatitsissutigineqarpoq Aasiaat ilaannikkut isuma manna attassimassagunaraluaaraat, tassa kippasissumiit kangimut aasiat (avunngaasartut) uninngavinnaarisimammassuk aasianik ilaatigut ateqaqqarsimasorineqartartoq.

22. Jens Mikkelsenip Atuagagdliutit 3. decembari 2009-mi saqqummersumi allaatigisaa "Oqaatsigut suliffeqarnermut isumaqatigiissutini"-mik qulequtalik siulittaasup akissusiussavaa.



Oqaasileriffik

Sprogsekretariatet

Tulliani ataatsimiinnissaq: Sisamangorneq decembarip 17-at 2009 ualikkut nal. 14.00.

Inussiarnersumik inuulluaqqusilluta

Carl Chr. Olsen
Siulittaasoq

Nuka Møller
Imaqarniliortoq

Oqaasileriffik – Sprogsekretariatet

Postboks 980, DK-3900 Nuuk, Kalaallit Nunaat, +299 362326, +299 327342 fax), e-mail: oqaasileriffik@gh.gl,
www.oqaasileriffik.gl